

芥素堂文集

第一
五十一册

養素堂文集卷十四

老威張
澍介侯

書二

與楊蓉裳刺史書

奉違光儀載歷寒暑山川白雲江湖蒼波每一延想紆軫
曷極去歲春杪遙知江東魁儒敷教關輔融襟舉比蛾術
斯興冉贊拂毛驛突入御薛燭鼓橐盤郢能飛多士鵬然
胥受模範彥真湛靜予覽純和前喆懿規於今再覩掖耳
倏風距踊三百每思躡屩孫崧采獲珠玉執贄茂叔領畧
風月而吐迦苦饑舌耕給日藩維有限負笈無由乃心馳

叩良不可任歲月荏苒未狎燕函誠以付畱雙廩畏圖魯
般駭神堪當避畫平子請益之懷遂爾鬱結頃者於友人
寓所得誦閣下畬一山舍人書品藻時流猥及薄末么膺
箸述比之裴嗣頓令鄭璞齊價周寶蓬心回蕩感與慚并
自惟區霧無識吹吹性成日稷不夏卒鮮刈穫兼以四方
舟車風塵損慧雖祝琯朗無益眠姪漢代經法未涉其藩
宋儒理譚靡博其趣短衷難舞儼悞何如固宜暗螢自照
藝草獨馨而猶彊畬月畢過錄成回胡顏之厚取姍詩人
卽或抽豪染翰有似橐它子駿醬瓿士衡酒甕不足覆也
敬惟閣下明握衍濟精探輸寥三庚決疑五酉識怪岳瀆

鐘律長柳靈蘭靡不條貫在心指數於仇至於陵雲健筆
鏤月雕章突鶴摧荀排龍掩陸所謂五樓巨手九乳洪鐘
也以篙測江脗無波際而瓦石之作乃荷提獎意者桓胤
紈扇亦錄芊孚謝眺齒頰不忘孔闔乎金鑄子期殆未可
喻某實禱昧業無師承嘗嘆北學衰微匪朝伊夕士彥易
解塗惲書說尹毅論語賈徽春秋概已邈絕固能延緒卽
班傳文辭李蘇詩筆亦復希音不續千載影徂竊不自量
妄思吹燼而擘心經術苦其紛糅按轡文府終謝連犴鳥
獲絕臙良以自悼尚希雨沙餘晷大誨遙頒俾暗吻幽眇
得耀光明夫貸季之門不拘病夫夔石之側不棄櫟木蒙

雖罕漫頗戒集詎儻得聞公沙妙論檀敷猗議則歸匪之
卦不占熒惑漆園之書不譏視罔某之願也何幸如之

坵楊蓉裳來書

介侯先生閣下睽濶光儀十易寒暑道里隔閼人事遄
蹇未奉書問自知疏節而仰高睎驥歷年滋多拳拳寸
忱皆在心抱迺荷閣下貽之良翰惠以德音椒桂之氣
合於嶽豈魚龍之感動以風雨攄纏緜之雅思暢經通
之遠旨蘭杜芬馥琳琅清越長卿忝其文藻子雲慚其
筆札百遍循諷三陌距躍惟是獎飾踰分推挹過情流
汗駢顏失容墜席敬惟閣下雅性都長天才朗邁玉璫

璫猛黃鐘灑光品登明堂書校中秘司
囷向之籍辨章舊聞摘卿雲之辭潤色
朝典發徐防之五十難試李充之九千言
長才曠度無所不淹西州聞人九牧稱嘆
迺未得久居承明迴翔禁省一命作吏遠
踰丹徼羅施俗異泮泮路阻削牘移病投
紱乞歸不慕朱文之軫甘守綠睂之帙含
章黽采收粦稚節潛志墳籍殫心經訓默
而好深湛之思舒而爲彬蔚之作挾精剔
粦摘伏發隱近復講菽龍門談經鱣舍學
宗鄭賈文羞曹陸渠模規筴羣士步趨神
墨靈式萬流慕習凡夫常擬星氣耿昌
月行蠡門射法宜僚劍道劉昆清角趙定
雅琴莫不元

鑑在胷靄珠入握芳燦初來關輔得讀黔書一斑驗豹
半毛測鳳其紀載詳贍揆揚奧廣河圖括地輶軒絕代
長沙風土之碑建康人物之志雖裴秀精審鬪駟通博
以今方古殆有過之大雅謙沖恕其瞽論辨雌霓之連
蜃忘蕪菁之唐突許以真賞托爲良知文字心交千里
如圓子休之於惠施君山之於班嗣無以喻也芳燦瓠
管小材蟲篆末菽文繡輦悅刻雕冰脂賈山僅事涉獵
江淹不嫻箸篡辭賤百六家頗嘗畱意經術上下古夙
未究心掇拾丘言網羅璣說風蟲露鶴助其呻唵病葉
狂蕪同其迷悶閒嘗啾發投曲雕籤屬辭大類辯人黃

馬之談徒貽下士蒼蠅之笑茲者時邁齒載英華凋落
亦思窺六菽之旨成一家之言而老覺氣衰疾令志沮
萱蘇未樹鉛槧易疏慚公叔之精專遜伯業之篤嗜日
莫途遠心多力躋如嚇河之臞夫類移山之愚妄誠恐
典籍腐敝學業沈寘諉聞不遠沒世無稱耳兼之寄食
殊方端憂卒歲入士鄉而友教借經舍以棲遲徒抱貞
孤甘同淪廢雖謝瀹未嘗拒客而王微不好詣人坐此
濶疏遂相詬病鼪鼪穴逕藜蒿塞門嗟身世之飄泊惜
朋儕之閒隔目感氣草耳悲耑禽倡古寡和呼今莫應
宜乎述造之無成見聞之益陋也閣下亟念敝人曲加

存問所望遠頒鉅製時示周行發其疹憤啓其聾聵俾
鈍聞條達庸神曉泠則祇摩鉛鈍或竝價于龍阿鞭策
驚疴得齊蹤于驥驚君之惠也何幸如之邇惟攝衛惟
宜道履多豫端函佈復言不宣心

復楊蓉裳刺史書

前奉德音如親渠範存注策厲以感以慚紙敝墨渝未忍
離手邇惟福履迪康攝衛多豫寸日尺月縈裒良深竊某
雅故未函道糾靡服識猶昏棗氣不達蔥操觚染翰未能
驚然驚翔文囿彌見哆噉而隱侯唱歎欣逢遲莫子山品
題謂異吠鳴齒芬假借葉拱靡寧每誦鴻章如啐玉饋舍

鬯襟靈導揚窈伏音流簡外豔溢行閒敷珍搖豪蓋非帥
爾在昔孟堅轡龍虎辭不逮理平子鏗律呂意不及文前
修纂製不免疵瑕近代作者繁豈無人然講學之士楮謝
丹青雕蟲之徒篋盈香草采不極貌力未負聲何異裸壤
之禡繡縠犖麋之御鉛筆乎大佗陵前邈後有老成風顧
協策論中興未有延平體裁江東獨步某所以讀之恐其
卷盡展之喜其疾愈也茲鈔近箸呈諸臯比猶之滄海漂
芥鄧林枯枝不足畱眸固已明白尚冀獲人無恡隳枯世
南婉縟經孝穆而典裁持正冗疏遇昌黎而簡奧某雖才
遜昔賢而心期往軌孟晉之懷涼蒙藻鑑竝望新文頒示

以爲范甄辭摹孝緒解把筆於牋奏論竊仲任試鼓脣於
語言其爲荷戴嵩寧自輕藉此布臆上塵講座敬佇清誨
曷勝馳系

封楊蓉裳復書

前奉翰札如獲百朋璘玢在握雕績滿目辱荷撝謙曲
加獎飾溟澥浩淼猶納汎濫恒岱巖嶧不卑部婁欽感
之餘慙忝無地敬惟閣下素瓠習禮青藜照書粵舉七
英藻速十札潛神默記導引後進浮英湛德追蹤前哲
宅心醴粹樹義淵奧瞻望英塵不勝欽佇承示大箸實
爲巨觀幽思詰屈琦字琛麗金鏗球戛韞韞動心麟儀

鳳師騰翥爲瑞身佩靈符指撝怪偉手脫神珠激揚霆
電譬猶異錦百鑷譎采虬費奇華四照環輝霽煜璃宮
玕殿妙臻異境珉膏雲液迴殊凡味和璧獻而瓊玖淪
采陽文進而娥媼失豔固足含咀班揚陵轍徐庾不圖
衰莫覩此奇特彥昇則當時無輩持正則後代難繼捧
誦流沫何啻絕編珍貺秘藏謹用貯枕欽愛靡已贊嘆
欲絕拙箸猥承見索茲特呈覽雉誇錦羽殊異鵠鸞狸
炫文皮寧儕龍豹緬維往歲翔步藝林雖復枕肱圖史
鑽犢典策同傳毅之迪志等趙昱之下帷而早縛塵纓
糾紛眾務中躋宦途流離孤寄文多率佗詩皆漫與慙

子長之愛奇惋次山之嗜瑣卽今顛毛漸汨壯懷積散
枯桐氣索鍊不成雲衰竹心空吹難應律偶復命筆更
難言文祇以摯愛遂敢布露蚓竅蠅聲彌增赧汗伏惟
大雅進而教之不勝厚幸講院生徒比因秋闈試畢盡
皆倚席不復橫經叢竹檀欒古槐蕭颯涼風乍起秋意
薄人緬懷風範更增戀嫪覩縷奉復敬俟福履馳企之
抱難以言宣

與陸平泉前輩學使書

啓者某於乙丑之歲赴選入都扶服崇階獲覲光霽備荷
清訓肺札載銘旋以汎游南紀違隔仁暉波路壯濶旅客

貧辛林邑微翬終戀舊壑卻返閭里于茲四季矣旱澤寡
學猥竊臬比月畢來咨撤座是虞夏雨春風從聞其語兼
以地處邊荒久迷通津經尋狗曲文發蟆疥鳳凰逆序氣
不達蔥時雖提命效無僂呼俛諸亂髻殆難爬梳而某以
牢愁墮志枝葉暴樂暖妹養拙仰屋紫然覩對青衿有顏
其顛卽不甘撫塵妄思炳燭而五內羸呶莫知程路乃欲
證邇古今發房事理心盲神忘詎不難與是以伏書累息
噲焉若喪冀遇瑤眊以廡宿疾庶幾眠姪少有開寤敬惟
老前輩閣下鳳穴振儀龍門標峻學富麟臺文轡虎采庶
士傾風靡不鵬悅恭承

簡命宣化關輔神墨靈式橫舍稟戴佇見麻朝過皐白蟻
籥雲區冶吹爐青萍吐氣遙憶山斗驢思企仰竊念爰劉
以降李唐而還關隴學術厥有端倪杜陵田生易紹馭臂
而楊政董遇能廣其傳長安許商書受平當而皇甫梁桺
復縣其緒詩則韋賢馬融而細君班伯善治齊魯禮則賈
護段肅而田儼尹毅專精喪服以及張敞孔嘉之春秋周
生梁覲之論語楊沚槃佑之孝經杜林樊光之小學莫不
師承有法嘉惠菽林今也士耽集詬無意典常焚書而舞
有似王壽上章以驅實類桺津經籍道息良用嘸噉何意
戴匡文星照耀三秦睇澤高錡茂材掖耳秋駕遠指胄子

掘衣方將闢經苑啓史笥引之以道紉浴之以聖海俾心
開似劑手授彌新鴻敷之明粲粲如宿茂典之貫落落如
珠豈直披錦繪素擲玉鏗金陵顏轅謝舍任吐沈而已某
少愛螢光長昧雞語謬改白及錯注倉庚有秩還疑撐犁
不識處穴無見隱几而睡殖也將落木亦未雕所謂學府
之視肉文峯之爛柯矣伏望矜念漱衷錫之響誨或者區
霽眯目得見白日廢井枯甬復濬通波溝澮之中發霄朗
之琦鷄時之地飛鶯然之章不翅訶條之慰慙飢宜樹之
清迷夢也頌儀在遠馳系爲勞爰忘疏狂輒塵蕪牘上冀
瞻鑒無任卑陋

答楊慶弇明府書

書來問誌公墓處所又言皋蘭誌載誌公洞或其墓在甘肅予按神僧傳傳燈錄皆云誌公金城人本姓朱而梁書云寶誌不知何許人於宋泰始中見之出入鍾山往來都邑於天監四季卒先是琅邪王筠至薤巖寺寶誌遇之與交言驩飲至亾敕令筠爲碑是誌公栖託在金陵矣而洛陽伽藍記云胡太后問以世事實公曰把粟與雞喚朱朱時人莫解後后爲爾朱所害是誌公足跡亦曾到洛陽也又按神僧傳云誌公與白鶴道人爭州之潯山飛錫卓山麓是安慶又有誌公游蹤也彼劍門西巖之半有誌公和